

Gwobrau Addysg
Oedolion

Ysbrydoli! Inspire!

Adult Learning
Awards
2024

Mae dysgu gydol oes yn newid bywydau.
Ysbrydolwch ni a rhannu eich stori.

Categoriâu a Chanllawiau

Dyddiad cau cynigion:
12 Ebrill 2024

L&W SEFYDLIAD DYSGU A GWAITH
LEARNING AND WORK INSTITUTE



Llywodraeth Cymru
Welsh Government

Beth yw Gwobrau Ysbrydoli! Addysg Oedolion?

Mae dysgu gydol oes o fudd i bawb. Mae ganddo'r grym i newid bywydau.

Mae Gwobrau Ysbrydoli! yn dathlu llwyddiannau pobl, sefydliadau a phrosiectau sydd wedi profi grym trawsnewidiol dysgu, croesawu ail gyfle a datgloi posibiliadau newydd. Maent yn dangos effaith addysg oedolion a dysgu gydol oes, gan arddangos gwerth buddsoddi mewn cyfleoedd sy'n newid bywyd.

Rydym yn gweithio gyda phartneriaid i ysbrydoli mwy o bobl i fanteisio ar gyfleoedd dysgu gydol oes a rhannu eu llwyddiannau a'r buddion niferus a ddaw gyda dysgu sgiliau newydd.

Trefnir y gwobrau hyn gan y Sefydliad Dysgu a Gwaith, mewn partneriaeth gyda Llywodraeth Cymru a phartneriaid eraill.

Cynhelir y seremoni wobrwyo fel rhan o'r [Wythnos Addysg Oedolion](#).

Ysbrydolwch ni drwy wneud enwebiad:

Rydym yn edrych am unigolion, prosiectau a sefydliadau y bydd eu llwyddiant yn dysgu yn ysbrydoli eraill i ddychwelyd i ddysgu neu fynd ati i ddysgu – pobl sydd wedi gwella eu bywydau a/neu fywydau pobl eraill ac wedi cael profiad cadarnhaol neu newid bywyd o addysg oedolion.

Categoriâu gwobrau 2024

- Gwobr Sgiliau Gwaith
- Gwobr Oedolyn Ifanc
- Gwobr Newid Bywyd a Chynnydd
- Gwobr Heneiddio'n Dda
- Dechrau Arni – Gwobr Dysgwyr Cymraeg
- Gwobr Gorffennol Gwahanol: Rhannu Dyfodol
- Gwobr Sgiliau Hanfodol Bywyd
- Gwobr Hywel Francis am Effaith Gymunedol
- Gwobr Gwneuthurwyr Newid Gweithle

Yn ychwanegol at y categorïau gwobr safonol, rydym yn cyflwyno **Gwobr Llwyddiant Oes** arbennig i gydnabod unigolion a gafodd effaith sylweddol a pharhaus ar ddysgu gydol oes yng Nghymru. Os gwyddoch chi am rywun sy'n haeddu'r anrhydedd hwn, [cysylltwch â ni](#) i'w (h)enwebu os gwelwch yn dda.

Canllawiau ar gyflwyno eich enwebiad:

- Mae'n rhad ac am ddim i enwebu a gall sefydliadau ac unigolion sy'n byw ac yn gweithio yng Nghymru gyflwyno enwebiad.
- Gall dysgu fod ag achrediad neu heb achrediad a digwydd mewn unrhyw leoliad, o'r gweithle i ystafell ddosbarth, yn y cartref neu yn y gymuned
- Gall unrhyw un 16 oed neu drosodd enwebu/cael eu henwebu ar gyfer Gwobr Ysbrydoli!, gweler y canllawiau ar bob categori
- Mae'r Sefydliad Dysgu a Gwaith yn ymroddedig i gefnogi cydraddoldeb ac amrywiaeth ac i wella mynediad i addysg i bob grŵp. Croesawn enwebiadau o bob cefndir a gyda phob math gwahanol o brofiadau bywyd a galluoedd.
- Rhaid i geisiadau ar gyfer y categorïau unigol gael eu henwebu gan berson arall – gallai hyn fod yn gyfaill, mentor, cydweithiwr, aelod o'r teulu neu gyflogwr sy'n adnabod yr unigolyn a enwebir yn dda.
- Dylai cynigion ar gyfer y categorïau prosiect/sefydliad gael eu hysgrifennu gan arweinydd tîm neu brosiect a'u cymeradwyo gan uwch reolwr/canolwr sy'n adnabod y ddarpariaeth yn dda. Rydym hefyd yn croesawu datganiadau gan ddysgwyr/gweithwyr cyflogedig sy'n ymwneud â'r prosiect/sefydliad i gefnogi'r enwebiad.
- Caiff eich cais ei farnu ar yr wybodaeth a roddwch yn eich cais felly gofynnir i chi wneud yn siŵr eich bod yn darllen y meini prawf islaw ar gyfer categorïau Gwobrau Ysbrydoli! i helpu gyda hyn a chynnwys cymaint o fanylion ag sy'n bosibl yn eich datganiad.
- Mae'n rhaid llenwi datganiadau'r enwebai ac enwebydd.

Dyddiad cau ar gyfer cynigion: Dydd Gwener 12 Ebrill 2024

Sut mae'r broses ddethol yn gweithio

- Bydd panel annibynnol o feirniaid o'r sector addysg oedolion yn dewis enillwyr terfynol gwobrau y categorïau.
- Gellir cysylltu eto â'r sawl sydd ar y rhestr fer cyn cyfarfod y panel dethol terfynol i gael mwy o wybodaeth i gefnogi eu henwebiad.
- Caiff straeon pob enwebiad a ddewisir fel enillwyr gwobrau eu rhannu drwy'r wasg a'r cyfryngau – bydd hyn yn cynnwys ffilmio, ffotograffiaeth a datganiadau i'r wasg.
- Caiff enwebwyr holl enillwyr gwobrau Ysbrydoli! eu hysbysu erbyn Mai 2024.
- Hoffem i unrhyw enwebiad ar gyfer Gwobrau Ysbrydoli! fod yn gatalydd ar gyfer dathlu straeon addysg oedolion. Byddem yn annog unrhyw un sy'n enwebu ar

gyfer y gwobrau i ddefnyddio'r broses i ddatlu pawb a enwebwyd gyda seremonïau gwobr lleol a rhanbarthol ac i ymuno â gŵyl yr Wythnos Addysg Oedolion i wneud hyn.

Mae tair ffordd i gyflwyno enwebiad:

E-bost llenwch ein [dogfen Word ffurflen enwebu](#) a'i hanfon atom drwy e-bost: inspire@learningandwork.org.uk.

Ar-lein – defnyddiwch ein [ffurflen enwebu ar-lein](#) i gyflwyno eich cais. Bydd angen i'r ffurflen ar-lein gael ei llenwi mewn un tro, rydym yn argymhell eich bod yn paratoi eich datganiadau enwebai ac enwebydd yn defnyddio'r ddogfen Word cyn ei chyflwyno ar-lein.

Ffilm – Rhannwch eich profiad dysgu trawsnewidiol drwy bwt fideo hyd at 5 munud o hyd. Bydd angen llenwi adrannau un, tri a phedwar o'r ffurflen enwebu, lawrlwytho eich fideo i YouTube fel dolen heb ei rhestru neu breifat ac anfon y ffurflen enwebu a'r ddolen fideo atom: inspire@learningandwork.org.uk.

Categoriâu Gwobrau! Ysbrydoli 2024

Gwobr Sgiliau Gwaith

I lawer o bobl, y cymhelliant i ddatblygu eu sgiliau yw gwella eu rhagolygon gwaith, i gael mynediad i waith am y tro cyntaf neu ar ôl cyfnod hir o anweithgaredd economaidd. Mae gwaith da yn rhoi cyfleoedd i barhau i ddysgu a datblygu sgiliau yn y gweithle, gan arwain at gynnydd a chyflogaeth cynaliadwy.

Mae'r wobwr hon yn cydnabod unigolyn a all ddangos penderfyniad eithriadol i wella eu cyflogadwyedd drwy ddysgu ac a all arddangos y rôl a fu gan ddysgu wrth sicrhau swydd **neu** y dysgu oedd yn gysylltiedig i sicrhau cynnydd yn y gwaith.

[Jenna Smith](#) – enillydd gwobr 2022

[Emma Howells](#) – enillydd gwobr 2023

Gwobr Oedolyn Ifanc

Nid yw'r profiad cyntaf o addysg bob amser yn gadarnhaol i bawb ond mae llawer o bobl ifanc yn dychwelyd i addysg ôl-orfodol oherwydd eu bod eisiau gwneud newid cadarnhaol ac adeiladu dyfodol gwell. Efallai na fydd rhai pobl ifanc wedi medru cymryd rhan lawn yn yr ysgol oherwydd cyfrifoldebau gofalu neu efallai bod ffactorau eraill wedi ymyrryd ar eu bywydau.

Bydd enillydd y wobwr hon yn unigolyn a ddangosodd ymrwymiad gwirioneddol i'w taith ddysgu eu hunain, ac sy'n un i gadw golwg arnynt ar gyfer y dyfodol! Mae'r wobwr ar agor i unrhyw ddysgwr 16-25 oed (rydym yn rhoi croeso arbennig i enwebiadau ar ran pobl ifanc sy'n derbyn gofal, pobl ifanc sydd wedi gadael gofal a gofawyr ifanc).

[Harley Clements](#) – enillydd gwobr 2023

[Ewan Heppenstall](#) – enillydd gwobr 2024

[Wilnelia De Jesus](#) enillydd gwobr 2021

Gwobr Newid Bywyd a Chynnydd

Gwyddom fod dysgu yn creu cyfleoedd i bobl gamu ymlaen mewn bywyd, gwaith ac adref. Weithiau gall fod yn anodd cadw cymhelliant ac ymroddiad i ddysgu, ac mae llawer o bobl yn wynebu rhwystrau sylweddol. Wrth i'r boblogaeth dyfu a heneiddio a thechnoleg newydd yn datblygu, rydym i gyd yn gweithio am fwy o amser, yn newid gyrfaedd yn amlach ac yn dysgu

sgiliau newydd ar hyd ein bywydau.

Mae'r wobwr hon yn cydnabod oedolyn sydd wedi symud ymlaen gyda'u dysgu, efallai yn erbyn y ffactorau, drwy wahanol gyfnodau, efallai i brifysgol neu eu swydd ddelfrydol. Bydd enillydd y wobwr hon yn rhywun sydd wirioneddol wedi gwirioni a ffoli ar ddysgu. Gall hyn fod yn rhywun sydd wedi newid eu bywyd, llwybr gyrfa neu fynd i'r afael â heriau iechyd drwy ddysgu. Bydd yr enillydd yn dangos nad yw hi byth yn rhy hwyr am ail gyfle, cyfeiriad newydd neu ddechrau o'r newydd.

[Elinor Ridout](#) – enillydd gwobr 2023

[Karryann Healey](#) – enillydd gwobr 2022

[Emma Williams](#) enillydd gwobr 2020

[John Spence](#) enillydd gwobr 2018

Gwobr Sgiliau Hanfodol Bywyd

Mae sgiliau llythrennedd, rhifedd, digidol, gallu ariannol, llythrennedd iechyd a dinasyddiaeth yn ganolog i ragolygon swyddi a gyrfaedd pobl a'r gallu i fod yn weithgar a chymryd rhan yn eu cymunedau. Mae newidiadau economaidd a chymdeithasol a datblygiadau mewn technoleg yn cynyddu eu pwysigrwydd.

Bydd enillydd y wobwr hon yn dangos effaith meithrin sgiliau hanfodol a'r trawsnewid y gall hynny ei gael. Gall hyn fod yn cynyddu hyder, mynediad i waith/dilyniant gwaith, cefnogi perthynas deuluol, y gallu i gysylltu mwy gyda gwasanaethau cyhoeddus a rhyngweithio cymdeithasol.

[Grŵp Dynion Pobl y Fro yn Gyntaf](#) – enillydd gwobr 2023

[Bethan Humphreys](#) – enillydd gwobr 2022

[Clare Palmer](#) - enillydd gwobr 2021

Gwobr Heneiddio'n Dda

Mae dysgu pan mae pobl yn hŷn yn gwneud cyfraniad sylweddol i drechu unigrwydd, cadw mewn cysylltiad a chadw ffordd actif o fyw. Mae'r wobwr hon yn cydnabod gwerth parhau i ddysgu ac ennill sgiliau newydd i oedran hŷn. Bydd yn dangos y cyfraniad a wnaiff llawer o bobl hŷn i ddysgu gydol oes. Dylai enillydd y wobwr ddangos pam eu bod wedi parhau i ddysgu neu gymryd rhan mewn dysgu pan oeddent yn hŷn, gallant fod yn weithgar wrth gynnal dysgu a drefnir ganddynt eu hunain yn eu cymuned neu fod yn trosglwyddo eu sgiliau ar draws cenedlaethau. Mae'r wobwr hon yn agored i ddysgwyr dros 60 oed.

[Jan Wallace](#) – enillydd gwobr 2023

[John a Val Snare](#) – enillwyr gwobr 2022

Dechrau Arni - Dysgu Cymraeg

Yr uchelgais yng Nghymru yw creu miliwn o siaradwyr Cymraeg erbyn 2050. Ar gyfer oedolion, mae cyfleoedd i ddysgu ar-lein, drwy ddsbarth cymunedol neu yn y gweithle. Mae'r wobwr hon yn cydnabod unigolion sydd wedi dechrau dysgu Cymraeg drwy ddilyn cwrs Dysgu Cymraeg ar lefel Mynediad neu Sylfaen. Nid ydym yn disgwyl i'r enillydd fod wedi meistrolï'r iaith yn llwyr; fodd bynnag, byddem yn hoffi i ymgeiswyr fod wedi dangos ymrwymiad i ddatblygu eu sgiliau yn y Gymraeg ac i ddefnyddio'r iaith gyda'u teulu, yn eu cymuned neu weithle.

[Steven Wright](#) – enillydd gwobr 2023

[Tom Dyer](#) – enillydd gwobr 2022

[Joseff Gnagbo](#) - enillydd gwobr 2020

Gwobr Gorffennol Gwahanol: Rhannu Dyfodol

Mae gan Gymru dreftadaeth ddiwylliannol falch ac amrywiol a hanes hir o groesawu a chynnig lloches i ffoaduriaid a rhai a orfodwyd i ymfudo. Bydd y wobwr hon yn cydnabod cyfraniad y rhai a ddewisodd wneud bywydau newydd yma yng Nghymru. Rydym yn edrych am unigolyn sydd

wedi cael mynediad i ddysgu ac wedi datblygu eu sgiliau, gan eu harwain ymlaen i fwy o ddysgu, cyflogaeth neu wirfoddoli.

[Walid Musa Albugai](#) – enillydd gwobr 2023

[Hisham Saeed / Zaina Aljumma](#) – cyd-enillwyr gwobr 2022

[Fatma Al-Nahdy](#) – enillydd gwobr 2021

Gwobr Hywel Francis am Effaith Cymunedol

I lawer o bobl, mae'r llwybr yn ôl i ddysgu yn dechrau'n agos gartref, mewn lleoliad yn y gymuned neu fel rhan o brosiect cymunedol. Mae llawer o brosiectau cymunedol yn cydnabod rôl addysg a sgiliau fel galluoogydd allweddol fydd yn rhoi'r hyder mae pobl ei angen i lwyddo.

Mae'r wobwr hon yn cydnabod effaith prosiect cymunedol sydd wedi llwyddo i ddefnyddio dysgu fel arf allweddol i gael pobl i helpu eu hunain ac eraill. Enillydd y wobwr fydd prosiect sy'n gweithio gyda phobl na fyddai fel arall yn cymryd rhan mewn addysg neu hyfforddiant ffurfiol neu anffurfiol, neu sydd angen ail gyfle!

[Teuluoedd yn Dysgu Gyda'i Gilydd CAVC](#) – enillydd gwobr 2023

[Sbardun – Dysgu Sir Benfro](#) – enillydd gwobr 2022

Gwobr Gwneuthurwyr Newid Gweithle

Mae buddsoddi mewn sgiliau yn y gwaith o fudd i bawb yn y gweithle. Mae uwchsgilio gweithwyr yn gwella cyfathrebu, perthynas waith a chynhyrchiant ac yn gostwng lefelau absenoldeb a chodi ysbryd ymysg staff.

Rydym eisiau cydnabod sefydliadau sy'n creu newid cadarnhaol yn y gweithle, sy'n hybu cyfleoedd ar gyfer dysgu a datblygu lle gellir dangos yr hyn a gyflawnwyd, y llwyddiant a'r effaith ar unigolion a thimau.

Mae'r wobwr yn anelu i ddangos yn glir sut mae'r busnes o fudd i'r sefydliad a'r gweithwyr. Gall ddangos cynhwysiant, arloesedd a modelau arfer da o ddysgu a datblygu; a gyflenwir gan bartneriaethau gweithlu. Gall hyn gynnwys gwella cynnydd gyrfu, cyflwyno cyfleoedd ar gyfer y rhai a all fod wedi cael llai o gyfleoedd i ddatblygu eu sgiliau yn y gwaith neu greu partneriaethau sy'n ysbrydoli i gyflawni amcanion a sicrhau canlyniadau cynaliadwy.

Gall yr enwebiad ganolbwyntio ar brosiect dysgu penodol neu gynllun o fewn gweithle, gall fod yn ddull sefydliad-cyfan (bach neu fawr) i ymgysylltu gyda, datblygu a chefnogi pobl, neu gall fod yn weithgaredd dan arweiniad undebau llafur a/neu bartneriaid eraill tebyg i'r trydydd sector a darparwyr hyfforddiant.

[Bwrdd Iechyd Addysgu Powys](#) – enillydd gwobr 2023

[Cyngor Sir Ceredigion – Tim Dysgu a Datblygu](#) – enillydd gwobr 2022

[Prosiect WULF UNSA In Cymru](#) – enillydd gwobr 2021

[Myfyrwyr Nyrsio y Brifysgol Agored yng Nghymru](#) – enillydd gwobr 2021